
Dva opažanja pupavca (*Upupa epops*) u 2005. godini

Two observations of Hoopoe (*Upupa epops*) in year 2005: (1) 1 individual Hoopoe (*Upupa epops*) observed on 15 June 2005 on Visočica Mountain (UTM BP72, central Bosnia), (2) 1 individual Hoopoe (*Upupa epops*) observed on 24 August 2005 at NW part of Livanjsko polje (UTM XJ38, W Bosnia).

Ilhan Dervović je 15. 6. 2005. godine vidio jednog pupavca *Upupa epops* na šumskom putu (1500 m n. m.) koji vodi ispod vrha Puzim prema Puzimskom groblju na Visočici planini. Put na tom dijelu prolazi bukovu šumu prošaranu čistinama.

Ilhan Dervović, Ajna Mulaomerović i ja smo 24. 8. 2005. godine vidjeli mladog pupavca na grani, pored seoskog puta koji spaja selo Nuglašica sa zaseokom Zadržani (720 m n. m.). S jedne strane puta su stari seoski voćnjaci, a sa druge tresetište povremenog jezera Mali ždralovac (Ždralovac, Livanjsko polje, Bosansko Grahovo). Naše očekivanje da ćemo vidjeti jezero kako ga pokazuje jedna turistička karta sa brojnim pticama nije se ispunilo. Domaćin Vlada Kovlje-

nić, koji će se naći pri ruci svakom ljubitelju ptica (tel. 063 371 753), savjetovao je da je najbolje vrijeme za posmatranje ptica mjesec april.

Jasminko Mulaomerović
B. Zenuni 6, 71000 Sarajevo